



ZAPISNIK O RADU 18. SJEDNICE
KOLEGIJA GRADSKOG VIJEĆA GRADA SARAJEVA
ODRŽANE 01.02.2022. GODINE

Broj: 01-GV-02-159/22
Sarajevo, 01.02.2022. godine

Prisutni:

1. Jasmin Ademović, predsjedavajući Gradskog vijeća
2. Mirela Džehverović, zamjenica predsjedavajućeg Gradskog vijeća
3. Dragan Stevanović, zamjenik predsjedavajućeg Gradskog vijeća
4. Toni Vukadin, predsjedavajući Kluba gradskih vijećnika Naroda i Pravde
5. Vedad Deljković, predsjedavajući Kluba gradskih vijećnika Stranke demokratske akcije
6. Adi Škaljić, predsjedavajući Kluba gradskih vijećnika Naše stranke
7. Muamer Mekić, predsjedavajući Kluba gradskih vijećnika Socijaldemokratske partije BiH
8. Srđan Srdić, zamjenik predsjedavajućeg Kluba gradskih vijećnika „SMS-Savez za Stari Grad-Srđan Srdić“
9. Enisa Spahić, predsjedavajuća Kluba gradskih vijećnica „Demokratska fronta-Enisa Spahić Amra Zulfikarpašić“
10. Bajro Biber, predsjedavajući Kluba gradskih vijećnika „USD-BOSS“
11. Jasmin Skorupan, zamjenik predsjedavajućeg Kluba gradskih vijećnika „Korora/Skorupan“
12. Seid Škaljić predsjedavajući Kluba gradskih vijećnika „Narodni evropski savez (NES) – Željko Majstorović“
13. Mila Eminović Rizvanović, sekretar Gradskog vijeća

Sjednici je prisustvovala, po ovlaštenju Gradonačelnice, Aida Bajramović, šef Odjeljenja za kabinetske poslove u Stručnoj službi gradonačelnice Grada Sarajeva.

Sjednici su prisustvovala Mirjana Đanović Stanić, rukovodilac Stručne službe za poslove Gradskog vijeća Grada Sarajeva i Zinaida Beširević, šef Odjeljenja za stručne poslove u Stručnoj službi za poslove Gradskog vijeća Grada Sarajeva.

Jasmin Ademović, predsjedavajući Gradskog vijeća je otvorio sjednicu u 14.05 sati, pozdravi prisutne, te konstatovao kvorum za punovažan rad i odlučivanje.

Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, bez rasprave, jednoglasno **je usvojio** Zapisnik o radu 16. sjednice Kolegija Gradskog vijeća, održane 05.01.2022. godine.

Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, bez rasprave, **jednoglasno je usvojio** Zapisnik o radu 17. sjednice Kolegija Gradskog vijeća, održane 10.01.2022. godine.



Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, bez rasprave, **jednoglasno, je usvojio** dnevni red 18. sjednice Kolegija Gradskog vijeća, tako da glasi:

1. Priprema za održavanje 12. sjednice Gradskog vijeća Grada Sarajeva
2. Tekuća pitanja

Ad1)

Priprema za održavanje 12. sjednice Gradskog vijeća Grada Sarajeva

a. Termin održavanja sjednice i dinamika aktivnosti u pripremi sjednice Gradskog vijeća

Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, bez rasprave, **jednoglasno je usvojio** sljedeći **zaključak**:

- 12. sjednica Gradskog vijeća će se održati u **srijedu 23.02.2022. godine** u Vijećnici sa početkom u **10,00 sati**;
- Predlagači će materijale dostaviti Predsjedavajućem najkasnije u **petak 04.02.2022. godine do 12.00 sati**;
- Sjednice radnih tijela, u pripremi 12. sjednice Gradskog vijeća, će se održavati počev od **ponedjeljka 07.02.2022. godine**;
- Pozivi gradskim vijećnicima za 12. sjednicu Gradskog vijeća će se uputiti u **srijedu 16.02.2022. godine**.

Član Kolegija Vedad Deljković je pristupio sjednici u 14.14 sati.

b. Praćenje realizacije Programa rada Gradskog vijeća Grada Sarajeva

Konstatovano je odnosno zaključeno sljedeće:

Program rada Pravobranilaštva Grada Sarajeva za 2022. godinu, prema informaciji Sekretara Gradskog vijeća, **je dostavljen** za 12. sjednicu Gradskog vijeća kao informativni materijal u skladu sa Programom rada Gradskog vijeća Grada Sarajeva za 2022. godinu.

Prijedlozi odluka o priznanjima i nagradama Grada Sarajeva u 2022. godini će biti uvršteni u prijedlog dnevnog reda 12. sjednice Gradskog vijeća Grada Sarajeva, ukoliko Komisija za izbor i imenovanja Gradskog vijeća utvrdi prijedloge odluka, a nakon razmatranja podnesenih prijedloga za dodjelu priznanja i nagrada.

Izvještaj o aktivnostima Grada Sarajeva u oblasti međunarodne saradnje u 2021. godini, prema informaciji Gradonačelnice, **je spreman** i očekuje se da će biti uvršten u prijedlog dnevnog reda 12. sjednice Gradskog vijeća.

Nacrt Odluke o usvajanju Strateškog akcionog plana za jačanje institucija kulture i kreativnih industrija u Gradu Sarajevu, prema informaciji Gradonačelnice, **je spreman** i očekuje se da će biti uvršten u prijedlog dnevnog reda 12. sjednice Gradskog vijeća.

Prijedlog Odluke o usvajanju Akcionog plana rodne ravnopravnosti Grada Sarajeva, prema informaciji Gradonačelnice, **je spreman** i očekuje se da će biti uvršten u prijedlog dnevnog reda 12. sjednice Gradskog vijeća.

Prijedlog Odluke o dopuni Kalendara obilježavanja datuma i događaja značajnih za Grad Sarajevo, prema informaciji Gradonačelnice, **je spreman** i očekuje se da će biti uvršten u prijedlog dnevnog reda 12. sjednice Gradskog vijeća.

Nacrt Odluke o podizanju spomenika bosanskom kralju Tvrtku I Kotromaniću, prema informaciji Gradonačelnice, će biti uvršten u prijedlog dnevnog reda 12. sjednice Gradskog vijeća ukoliko se steknu uslovi, a uz obrazloženje, koje je imalo sljedeći sadržaj:

U petak 28.01.2022. godine izvršen je izbor najboljeg rada, nakon čega će se donijeti Odluka o izboru najboljeg ponuđača. Na Odluku se može uložiti žalba u roku od 10 dana. Protekom navedenog roka ispunjeni su uslovi za slanje materijala Komisiji za spomenike, a nakon toga i Komisiji za Statut i akte. Vjerovatno je da će Nacrt Odluke biti upućen na 12. sjednicu Gradskog vijeća po hitnom postupku odnosno poslije roka utvrđenog dinamikom.

Teme koje su planirane Programom rada Gradskog vijeća Grada Sarajeva za razmatranje u januaru mjesecu, a nisu realizovane:

Prijedlog Plana rada Grada Sarajeva za 2022. godinu, prema informaciji Gradonačelnice, **je spreman** i očekuje se da će biti uvršten u prijedlog dnevnog reda 12. sjednice Gradskog vijeća.

Prijedloga Odluke o izboru članova Komisije za razmatranje, obradu i analizu pristiglih prijava na Konkurs za stipendiranje učenika srednjih škola iz Budžeta Grada Sarajeva, predstavnika Gradskog vijeća za školsku 2021/2022. godinu, koji je Komisija za izbor i imenovanja, kao ovlaštenu predlagač, povukla sa 11. sjednice Gradskog vijeća Grada Sarajeva bit će spreman ukoliko se steknu uslovi odnosno ukoliko Komisija za izbor i imenovanja na vrijeme utvrdi Prijedlog Odluke, a što je uslovljeno stupanjem na snagu Odluke o stipendiranju učenika srednjih škola iz Budžeta Grada Sarajeva, koja je usvojena na 11. sjednici Gradskog vijeća.

Prijedlog Odluke o standardima i kriterijima za izbor pravobranica i zamjenika pravobranice Grada Sarajeva, prema informaciji Gradonačelnice, **nije spreman** i neće biti uvršten u prijedlog dnevnog reda 12. sjednice Gradskog vijeća uz obrazloženje da postupak pred Ombudsmenima nije okončan, da je Gradonačelnica, blagovremeno, prosljedila izjašnjenje, te se očekuje odgovor Ombudsmena.

c. Novi prijedlozi:

Aida Bajramović, šef Odjeljenja za kabinetske poslove u Stručnoj službi gradonačelnice Grada Sarajeva upoznala je članove Kolegija da će Gradonačelnica za 12. sjednicu Gradskog vijeća predložiti i sljedeće materijale:

1. Odluka o izmjeni i dopuni Odluke o davanju saglasnosti na Program aktivnosti za dan obilježavanja opsade Sarajeva 1992.-1995. za 2022. godinu uz obrazloženje da se izmjena i dopuna Odluke predlaže u dijelu koji se odnosi na program obilježavanja manifestacije
2. Informacija o stanju lokalne samouprave u Kantonu Sarajevo sa posebnim osvrtom na poziciju Grada Sarajeva
3. Informacija o aktivnostima na izradi Izmjena i dopuna Regulacionog plana „Gradski centar Marijin Dvor“ za lokalitet Kvadrant „B“
4. Informacija o aktivnostima na Regulacionom planu Centar - Novo Sarajevo
5. Informacija o postupku tehničkog prijema „Bistričke stanice“
6. Informacija o postupku tehničkog prijema objekta „Vidikovac“
7. Informacija o realizaciji projekta uređenja dijela lokalne saobraćajnice Bentbaša-Kozja ćuprija-Lapišnica-M5
8. Informacija o stanju u vezi sa pandemijom Covid - 19 i brojem oboljelih u 2022. godini
9. Informacija o realizaciji pomoći građanima čija je imovina uništena ili oštećena u poplavama iz novembra 2021. godine uz obrazloženje da se radi o realizaciji sredstava koja je Novi Pazar donirao Gradu Sarajevu
10. Informacija o pripremama za obilježavanje 1. Marta - Dana nezavisnosti Bosne i Hercegovine
11. Informacija o implementiranim projektima finansiranim iz međunarodnih i lokalnih fondova u 2021. godini

Jasmin Ademović, predsjedavajući Gradskog vijeća je konstatovao da bi mogući prijedlog dnevnog reda 12. sjednice Gradskog vijeća glasilo:

1. Prijedlozi odluka o priznanjima i nagradi Grada Sarajeva u 2022. godini
2. Prijedlog Odluke o izboru članova Komisije za razmatranje, obradu i analizu pristiglih prijavi na Konkurs za stipendiranje učenika srednjih škola iz Budžeta Grada Sarajeva, predstavnika Gradskog vijeća za školsku 2021/2022. godinu (ukoliko se steknu uslovi)
3. Prijedlog Plana rada Grada Sarajeva za 2022. godinu
4. Prijedlog Odluke o usvajanju Akcionog plana rodne ravnopravnosti Grada Sarajeva
5. Prijedlog Odluke o dopuni Kalendara obilježavanja datuma i događaja značajnih za Grad Sarajevo
6. Izvještaj o aktivnostima Grada Sarajeva u oblasti međunarodne saradnje u 2021. godini
7. Nacrt Odluke o podizanju spomenika bosanskom kralju Tvrtku I Kotromaniću (ukoliko se steknu uslovi)
8. Nacrt Odluke o usvajanju Strateškog akcionog plana za jačanje institucija kulture i kreativnih industrija u Gradu Sarajevu
9. Odluka o izmjeni i dopuni Odluke o davanju saglasnosti na Program aktivnosti za dan obilježavanja opsade Sarajeva 1992.-1995. za 2022. godinu
10. Informacija o stanju lokalne samouprave u Kantonu Sarajevo sa posebnim osvrtom na poziciju Grada Sarajeva
11. Informacija o aktivnostima na izradi Izmjena i dopuna Regulacionog plana „Gradski centar Marijin Dvor“ za lokalitet Kvadrant „B“
12. Informacija o aktivnostima na Regulacionom planu Centar - Novo Sarajevo
13. Informacija o postupku tehničkog prijema „Bistričke stanice“
14. Informacija o postupku tehničkog prijema objekta „Vidikovac“
15. Informacija o realizaciji projekta uređenja dijela lokalne saobraćajnice Bentbaša-Kozja ćuprija-Lapišnica-M5
16. Informacija o stanju u vezi sa pandemijom Covid - 19 i brojem oboljelih u 2022. godini
17. Informacija o realizaciji pomoći građanima čija je imovina uništena ili oštećena u poplavama iz novembra 2021. godine
18. Informacija o pripremama za obilježavanje 1. Marta - Dana nezavisnosti Bosne i Hercegovine
19. Informacija o implementiranim projektima finansiranim iz međunarodnih i lokalnih fondova u 2021. godini
20. Vijećnička pitanja i inicijative

Informativni materijal:

Program rada Pravobranilaštva Grada Sarajeva za 2022. godinu

Ad 2)

Tekuća pitanja

Jasmin Ademović, predsjedavajući Gradskog vijeća je podsjetio članove Kolegija da je uz poziv za sjednicu dostavljena Inicijativa Općinskog vijeća Novo Sarajeva broj: 02OV-04-10029/21 od 17.01.2022. godine usvojena na 11. sjednici Općinskog vijeća održanoj 23.12.2021. godine, a koja glasi:

„Da Gradska uprava, Gradsko vijeće Grada Sarajeva stavi van snage Odluke o pristupanju izradi regulacionih planova na području Novo Sarajevo, a u cilju bržeg i efikasnijeg usvajanja istih.“

U raspravi, koja je uslijedila učestvovala je **članica Kolegija Enisa Spahić** i **član Kolegija Adi Škaljić**, a dodatna pojašnjenja dao je **Jasmin Ademović, predsjedavajući Gradskog vijeća**.

Nakon rasprave, na prijedlog **Jasmina Ademovića, predsjedavajućeg Gradskog vijeća, Kolegij Gradskog vijeća, većinom glasova**, izjasnivši se sa 10 glasova “za” i jednim “suzdržanim” glasom **usvojio je** sljedeći **zaključak**:

U skladu sa Zakonom o prostornom uređenju Kantona Sarajevo („Službene novine Kantona Sarajevo”, br. 24/17 i 1/18) Grad Sarajevo ima nadležnost da regulacione planove čiju proceduru je započeo i završi, te će Grad Sarajevo svoju nadležnost provesti, odnosno donijeti planove za koje je odluka o pristupanju izradi plana donesena u zakonom propisanom roku.

Jasmin Ademović, predsjedavajući Gradskog vijeća je konstatovao da će usvojeni zaključak biti dostavljen Općinskom vijeću Novo Sarajevo.

Član Kolegija Bajro Biber je pristupio sjednici u 14.29 sati.

Jasmin Ademović, predsjedavajući Gradskog vijeća, je pozvao članove Kolegija da podsjetite gradske vijećnike u svojim klubovima, da izostanak sa sjednice Gradskog vijeća najavljuju pismeno ili putem e-mail-a, prije sjednice, te je obrazložio da su ovi dokumenti potrebni za kompletiranje finansijske dokumentacije u vezi sa plaćanjem mjesečnih paušala gradskim vijećnicima.

Član Kolegija Seid Škaljić je pristupio sjednici u 14.31 sati.

Mila Eminović Rizvanović, sekretar Gradskog vijeća je upoznala članove Kolegija da se izostanak sa sjednice Gradskog vijeća može najaviti na e-mail pisarnica@sarajevo.ba.

Obzirom da pod ovom tačkom dnevnog reda nije bilo novih prijedloga za raspravu, **Jasmin Ademović, predsjedavajući Gradskog vijeća** je zaključio sjednicu Kolegija Gradskog vijeća u 14.40 sati.

SEKRETAR GRADSKOG VIJEĆA

Mila Eminović Rizvanović, s.r.

PREDSJEDAVALJUĆI GRADSKOG VIJEĆA

Jasmin Ademović, s.r.